


RODÎ

Mahmûd Nêşite



HÎ VA

RODÎ

Mahmûd Nêşîte

wêne
Murat Yapıcı



pedagog
Bilal Dogan

Edîtor : Ulku Bîngol
Redaksiyon : J.Îhsan Espar
Bergsazî : Ridwan Polat
Mîzanpaj : Ridwan Polat

Çapa Yewine : Teşrîna Verîne 2014

Çapxane :

A grafik tasarımı tanıtım promosyon web hizmetleri
dicle bulvarı nil koleji arkası Kayapınar/Diyarbakır

telefon : 0412 237 27 07

sertifika no : 14823

Daşinasnayîş ra teber bê destûrê weşanxane û nuştaxî nêno kopîkerdîş û vilakerdîş

ISBN : 978-605-65144-5-6

Weşanxaneya Hîva :

Peyas mah: 222.sok.Barîş-3 sitesi B/blok kat:6 no:21
Kayapınar/Diyarbakır

Sertifika : 30944

gsm : 0 507 029 81 97

e-mail : wesanenhiva@gmail.com

facebook : /wesanenhiva

malper : www.hivapirtuk.com





No Rodî yo.

Rodî hema panc serre yo.
Şima zî vînenê o biney qijek o.
Qijek o la zaf bîaqil o!

Na zî maya Rodî ya.

No pîyê Rodî yo.



Na zî waya Rodî ya.

No zî kekê Rodî yo.

Rodî maya xo ra, pîyê xo ra,
kekê xo ra û waya xo ra
zaf, zaf, zaf hes keno.



Maya Rodî zî Rodî ra zaf hes keno.
Pîyê Rodî zî Rodî ra zaf hes keno.

Qey waya Rodî, Rodî ra hes nêkena?
Ney!
Waya Rodî zî Rodî ra hes kena.
Kekê Rodî zî Rodî ra gelek hes keno.





Pîyê Rodî gama ke serê sibayan keye ra vejîyeno
û şino gure, vano, Miçççç!
Her di alişkanê Rodîyî maçî keno.
Tira xatir wazeno û şono.
Rodî zî ey maçî keno.
Hetanî pîyê Rodî ber ra vejîyeno
ey rê destê xo têşaneno û vano:

-Bawo! Oxir bo.

Ge-ge zî ey ra çîyan wazeno.

Wexto ke pîyê ey, ey maçî keno hema o wext vano:

"Ez to ra papolike wazena. Papolikêka sûre wazena."


Dima zî vano miççç o zî pîyê xo maçî keno.

Pîyê ey ewnîyeno tira û cayê xo de, tîq-tîq huyeno.

Dima zî vano:

"Wî-wî! Ero Rodîyê mi ti êdî bîyê pîl.

Ti hema zî vanê papolike. Êdî mevaje papolike, vaje solî, solî."





Şan de wexto ke pîyê ey gureyê xo ra yeno keye,
Rodî şono vernîya ey û tira perseno.

Vano:

"Ha ça solî?"

Eke pîyê ey ci rê solî nêardî tira vano:

"To nêva ez to rê solî ana. He? To nêva?"

Rodî çîyêk, çîyêk xo vîra nêkeno.

Rodî bîaqil o.

Zaf bîaqil o!"

1

Maya Rodî zî Rodî ra zaf hes kena.
Maya Rodî, Rodîyê xo qet tena nêverdena.
Wexto ke kar û gureyê aye bibo
sindoqa kayî ana Rodîyî ver û ro kena.
O wext Rodî dest bi kaykerdişî keno,
aye zî gureyê xo kena.





Wexto kekê Rodî wendegêh ra yeno,
Rodî şono vernîya ey û çenteyê ey, ey ra gêno.
Ronîşeno û dest pêkeno çenteyê kekê xo akeno
û çente şano pê, şano pê.

Dima çente ra qeleme vejeno, defterî vejeno,
qutîya boyaxan vejeno. Verê defterî gêno û tînapêy akeno.
Qeleme zî gêno û dest pêkeno resim virazeno.
La xo bi xo qisey keno û vano:

"Ney! Ez bi na qeleme nêşena resmêkê rindî viraza.
Nê boyax ê. Ez hîna weş zana bi boyaxan biviraza."

Hema qelama destê xo şeqêneno war
û qutîya boyaxan ra boyaxan vejeno û newe ra dest bi viraştişê
resiman keno.
Fikirîyêno vano:

"Ez resimê taksîya ma virazî."

Dest bi viraştişê taksî keno.
Çar hebî tekerê taksî estê.
Wîîî la Rodî di tekeranê taksî virazeno.
Dima ser tekeran de yew kareyê çewtî virazeno
û taksîya xo boyax keno.


La Rodî heme xêzanê taksîye çewt virazeno.
Û boyaxê ey zî heme cayanê kaxidî ser vila beno!
Dima kekê Rodî yeno û ewnîyeno Rodî ra.
Kekê ey Rodî ra hêrs beno vano:

"Ero Rodî to qey bê mi çenteyê mi akerdo?
Wîî to heme çîyê mi zî çenteyî ra vetî.
Çira to wîna kerd?"

Rodî vano:

"Dê biewnî mi resmê taksîya ma viraşt.
Kekê Rodî gama ke ewnîyeno taksî ra hîr-hîr huyeno."





La Rodî çend bîaqil bo zî rey-rey çîyê bêaqilî zî keno.
Zereyê oda de wazeno xo binimno.
O wext yan şono kuweno binê qoltuxan
yan zî şono pey beran de xo nimneno.
Gama ke şono binê qoltuxan vano "xirxir-xirxir"
qoltuxan hetêka anceno û şino kuweno binê nê qoltuxan.
Dima zî qîreno! Vano:

"Ez kure ya?"

Maya ey vana:

"Wî! Ero Rodî, ez zana ti kure yê.
Ti binê qoltuxe de yê."

O wext Rodî huyeno, huyeno û vano:

"Ney! Ez binê qoltuxan de nîya."

Rodî ge-ge zî şono xo keno pey beranê odayan.
Şono verê berî û berî biney akeno û xo keno pey berî
û berî hetê xo ra anceno. Dima reyna vano:

"Ez kure ya."

Ge-ge zî Rodî şono yew çuwa gêno û ano.
Seke estoran espar bibo, esparê çuweyî beno
û mîyanê keyeyî de vaz dano.
Oda ra vejîyeno û vaz dano şono salone.
Salone ra vaz dano şono odaya rakewtişî.
O wext qet nêvindeno.
Hema uca ra vaz dano û şono uca.
Û vano deh, deh! Deh, deh!




Maya ey çend biqîrîyo zî, Rodî cayê xo de nêvîndeno.
Hama vano deh, deh û nata-weta vaz dano, vaz dano.
Gama ke Rodî keye de xo bi xo wina kay keno,
o wext maya Rodî vana:


"Rodî! Ti qey wina bêaqilîye kenê. Heee, ti qey wina kenê.
Eke ti wina bikerî ez êdî to nêbena cayêk zî. "

"Ez to nêbena bazar, ez to nêbena parke,
ez to nêbena dewe û ez to nêbena cayêk zî."

Senî ke maya Rodî nê çîyan vana
Rodî cayê xo de vîndeno û maya xo xo verare keno
û vano miççç!
Maya xo miçî keno û vano:

"Ez êdî wina nerehetî nêkena."





Bandrol uygulmasına ilişkin usul ve esaslar hakkında
yönetmeliğin 5. maddesinin değişik "e" bendi çerçevesinde
bandrol taşıması zorunlu değildir.

www.hivapirtuk.com



ISBN: 9786056514456



9 786056 514456

7.00 ₺